

UNIVERZITET U TUZLI
S E N A T
Broj: 03-2635-6/11
Tuzla, 20.04.2011. godine

Na osnovu člana 59. stav (1) tačka a) Zakona o visokom obrazovanju ("Službene novine Tuzlanskog kantona" broj: 8/08, 11/09 i 12/09) i člana 75. stav (1) tačka 2) Statuta Univerziteta u Tuzli broj: 03-8409-1/09 od 21.10.2009. godine i Odluke o izmjenama i dopunama Statuta Univerziteta u Tuzli broj: 03-9035-1/10 od 24.11.2010. godine, Senat Univerziteta na sjednici održanoj 20.04.2011. godine, donio je

**SMJERNICE ZA INOVIRANJE NASTAVNIH PLANOVA I PROGRAMA NA
FAKULTETIMA/AKADEMIJI UNIVERZITETA U TUZLI SA PRIMJENOM OD
AKADEMSKE 2011/2012. GODINE**

- 1) Redizajn nastavnih planova i programa treba biti zasnovan na osnovu ishoda učenja (šta želimo da naši studenti postignu: šta se od njih očekuje da znaju, razumiju i budu u stanju da urade nakon uspješnog završetka procesa učenja).
- 2) Prosječno sedmično opterećenje studenta I ciklusa studija je 25 sati kontakt nastave u toku akademske godine.
- 3) Prosječno sedmično opterećenje studenta II ciklusa studija je 20 sati kontakt nastave u toku akademske godine.
- 4) Maksimalan broj predmeta na studijskim godinama I ciklusa studija je 12.
- 5) Maksimalan broj predmeta na II ciklusa studija je 6, s tim da se izradi završnog rada dodjeljuje najmanje 20 ECTS bodova.
- 6) Ukoliko je nastavnim planom predviđen 1 izborni predmet, studentima se na izbor mogu ponuditi najviše 3 predmeta, s tim da na izabranom predmetu nastavu mora pratiti broj studenata u skladu sa Standardima i normativima na području Tuzlanskog kantona.
- 7) Drugi ciklus studija je redovan studij koji se organizuje kontinuirano, te akademskom osoblju na fakultetu/ADU opterećenje u nastavi na drugom ciklusu ulazi u normu.
- 8) Potrebno je izvršiti preraspodjelu ECTS bodova dodijeljenih predmetima, na način koji će adekvatno izraziti vrijeme koje je studentu potrebno za obavljanje svih aktivnosti učenja (ne samo učešće u nastavi, nego i samostalni rad, praktičan rad, priprema za provjeru znanja, seminarski rad i sl.).
- 9) Ukoliko je nastavnim planom predviđena izrada završnog rada, neophodno je istom dodijeliti odgovarajući broj ECTS kredita.

10) U inovirane nastavne planove i programe, u I godinu studija, uvodi se nastava tjelesnog i zdravstvenog odgoja, sa fondom sati 0+0+2, koja se ne ocjenjuje i ne ulazi u obim opterećenja kontakt nastave na matičnom fakultetu.

11) Inovirani nastavni planovi će biti u primjeni po završetku tekućeg ciklusa studija.

DOSTAVITI:

1x Fakulteti/ADU

1x Prorektor za nastavu i studentska pitanja

1x Senat

PREDSJEDNIK SENATA

Prof.dr.sc. Enver Halilović